

Statistikat e transportit

Shkurt 2019

Tiranë, më 27 Mars 2019: Volumi i mallrave të ngarkuara/shkarkuara në porte, në muajin Shkurt 2019 është 311 mijë ton, duke u ulur 9,8%, krahasuar me të njëjtën periudhë të vitit 2018.

Në dymujorin e parë 2019, volumi i mallrave të ngarkuara/shkarkuara në porte është 607 mijë ton, duke u ulur me 6,2 %, krahasuar me të njëjtën periudhë të vitit 2018.

Volumi i mallrave të transportuara me hekurudhë është 1.264 mijë ton-kilometër, duke u rritur me 91,3 %, krahasuar me Shkurt 2018.

Në dymujorin e parë 2019, ky volum është 2.513 mijë ton-kilometër, duke u rritur me 76,7 %, krahasuar me të njëjtën periudhë të vitit 2018.

Tab. 1 Transporti i mallrave me det, hekurudhë dhe ajër

Periudha	Det ton	Hekurudhë 000/tkm	Ajër* ton
Shkurt 2018	344.658	661	167
Shkurt 2019	310.909	1.264	167
Ndryshimi vjetor (%)	-9,8	91,3	-
Janar- Shkurt 2018	646.207	1.422	349
Janar- Shkurt 2019	606.881	2.513	365
Ndryshimi vjetor (%)	-6,2	76,7	4,6

Përfshin mallrat dhe postën

Në dymujorin e parë 2019, me ajër janë transportuar 365 ton mallra duke u rritur 4,6 %, krahasuar me të njëjtën periudhë të vitit 2018.

Numri i fluturimeve të kryera, në Shkurt 2019 është 1.690 duke shënuar një rritje me 7,6 %, krahasuar me Shkurt 2018.

Për publikim 27/03/2019

Tab. 2 Treguesit e transportit ajror

Periudha	Numri i shoqërive ajrore	Numri i fluturimeve	Numri i mbikalimeve
Shkurt 2018	17	1.570	7.729
Shkurt 2019	17	1.690	8.637
Ndryshimi vjetor (%)	-	7,6	11,7
Janar- Shkurt 2018	17	3.622	16.546
Janar- Shkurt 2019	17	3.667	17.945
Ndryshimi vjetor (%)	-	1,2	8,5

Numri i pasagjerëve që udhëtojnë me linjë detare në Shkurt 2019 është 35.159 pasagjerë, krahasuar me Shkurt 2018, ky tregues është ulur 3,4 %. Në dymujorin e parë 2019, kanë udhëtuar me linjë detare 101.730 pasagjerë, duke u ulur me 1,9 %, krahasuar me të njëjtën periudhë të një viti më parë.

Në muajin Shkurt 2019, transporti ajror i pasagjerëve zë 82,5 % të transportit gjithsej. Numri i pasagjerëve që kanë udhëtuar me linja ajrore, në dymujorin e parë 2019 është 398.298 pasagjerë duke u rritur me 8,0 %, krahasuar me të njëjtën periudhë të një viti më parë.

Tab.3 Transporti i pasagjerëve sipas mënyrës së udhëtimit

Periudha	Transporti i pasagjerëve		
	Hekurudhë	Det	Ajër
Shkurt 2018	2.063	36.393	154.515
Shkurt 2019	2.231	35.159	176.185
Ndryshimi vjetor (%)	8,1	-3,4	14,0
Janar- Shkurt 2018	4.406	103.688	368.706
Janar- Shkurt 2019	5.227	101.730	398.298
Ndryshimi vjetor (%)	18,6	-1,9	8,0

Eksportet/importet e mallrave sipas mënyrës së transportit

Në Shkurt 2019, vlera e mallrave të tregtuara (eksport dhe import) është 72 mld lekë dhe 50,6 % e tyre u transportua me det.

Në dymujorin e parë të vitit 2019, vlera e mallrave të tregtuara (eksport dhe import) është 136 mld lekë dhe 53,0 % e tyre u transportua me det.

Eksportet e mallrave


Në Shkurt 2019, mallrat e eksportuara me det zënë 61,5 %, me rrugë 36,7 % dhe me ajër 0,3 % të mallrave gjithsej të eksportuara.

Mallrat e eksportuara me rrugë, në Shkurt 2019, janë rritur me 15,6 % ndërsa me det janë ulur 10,3 %, krahasuar me të njëjtën periudhë të vitit paraardhës.

Në dymujorin e parë të vitit 2019, mallrat e eksportuara me det zënë 63,6 %, me rrugë 34,6 % dhe me ajër 0,3 %.

Mallrat e eksportuara me rrugë, në dymujorin e parë të vitit 2019, janë rritur me 2,9 % ndërsa me det janë ulur 7,5 %, krahasuar me të njëjtën periudhë të vitit paraardhës.

Fig. 1 Struktura e eksporteve sipas mënyrës së transportit, Shkurt 2019



Importet e mallrave


Në Shkurt 2019, mallrat e importuara me det zënë 45,7 %, me rrugë 42,7 % dhe me ajër 3,2 %.

Në Shkurt 2019, mallrat e importuara me det janë ulur me 8,0 % ndërsa me rrugë janë rritur me 10,5 %, krahasuar me Shkurt 2018.

Në dymujorin e parë të vitit 2019, mallrat e importuara me det zënë 47,8 %, me rrugë 41,0 % dhe me ajër 3,4 %.

Mallrat e importuara me det, në dymujorin e parë të vitit 2019, janë ulur me 6,1 % ndërsa me rrugë janë rritur me 2,0 %, krahasuar me të njëjtën periudhë të vitit paraardhës.

Fig. 2 Struktura e importeve sipas mënyrës së transportit, Shkurt 2019



Metodologji

Përkufizime:

Transport: Lëvizja e njerëzve dhe/ose mallrave, duke përdorur mjete të ndryshme transporti. Transporti mund të kryhet me mjete të transportit tokësor, ajror dhe detar.

Transporti hekurudhor: Çdo lëvizje e mallrave dhe/pasagjerëve duke përdorur mjete me rrota të drejtuar mbi binarë.

Transport detar: Çdo lëvizje e mallrave dhe/ose pasagjerëve duke përdorur anije tregtare në udhëtime, të cilat ndërmerren tërësisht ose pjesërisht me det.

Transport ajror: Çdo lëvizje e mallrave dhe/ose pasagjerëve duke përdorur avionë në udhëtime, të cilat ndërmerren tërësisht ose pjesërisht me ajër.

Eksportet janë në përgjithësi mallra të destinuara tek një vend i tretë, të vendosura nën regjimin doganor, në përpunimin pasiv, ose të rieksportuar pas përpunimit aktiv.

Vlera F.O.B: Është vlera e mallrave të eksportuara deri në kufirin e vendit eksportues, pra përfshin koston e mallrave të eksportuara dhe shpenzimet deri në kufi të vendit eksportues.

Importet janë në përgjithësi mallra që vinë nga një vend i tretë, të vendosura direkt në qarkullim të lirë ose që qëndrojnë në magazinat e ruajtjes nën procedurat doganore të lejimit për qarkullim të lirë, për përpunim aktiv ose për përpunim nën kontrollin doganor.

Vlera C.I.F: Është vlera e mallrave të importuara dërguar deri në kufirin e vendit importues, pra përfshin koston e mallit, edhe shpenzimet e transportit dhe sigurimit deri në kufirin e vendit që importon mallrat.

Nomenklatura e Statistikave të Transportit (NST 2007) është një nomenklaturë mallrash e përdorur kryesisht për statistikën e transportit

Burimi i të dhënave: Të dhënat janë siguruar nga Ministria e Transportit dhe Infrastrukturës dhe Drejtoria e Përgjithshme e Doganave

Të dhënat e transportit detar, ajror dhe hekurudhor janë paraprake dhe subjekt rishikimi. Për më shumë referohu: <http://www.instat.gov.al/al/reth-nesh/cilesia-statistikore.aspx/> Politika e revizionimit statistikor.

Shpjegimi i simboleve

0 vlerë më e vogël se gjysma e njësisë matëse

- pa vlerë